

Oz è il Di da la pasch



SETTEMBER

Il Di da la pasch

Co fas ti pasch? Forsa cun dar il maun e dir: «Faschainsa pasch»? Il Di da la pasch, ils 21 da settember, duain tuts chalar da cumbatter in l'auto. Las armas stuessan atgnamain taschair quel di.

Sin il mund datti adina puspè guer-
ras. Bleras persunas moran. Citads
e vischnancas vegnan destruidas.
Famiglias ston fugir da lur dachasa.
Sunter las terriblas guerras mun-
dialas han blers umans ditg: «Nus na
vulain mai pli guerra!» Per la pasch
tranter ils pajais guarda l'ONU –
l'Organisaziun da las Naziuns Unidas.
Bunamain tut ils pajais dal mund
èn commembers da l'ONU. Mintg'on
enturn ils 21 da settember fa l'ONU
ina gronda conferenza. Perquai ha

ella declerà quest di sco Di internazi-
onal da la pasch. L'ONU propona
a tuts da far quel di ina minuta da
silenzi, exact a mezdi. Ti pos era
malegiar quel di simbols da pasch
cun crida sin vias e trottuars.

Il pled rumantsch «pasch» vegn dal
pled latin «pax». Ils plects englais
«peace», talian «pace» e spagnol «paz»
èn fitg sumegliants. Enconuschas ti
il pled «pasch» anc en outras linguas?





Tge è pasch?

Co fas ti pasch?

Tge colurs stattan per la pasch?

Tge è bel vid far pasch?




Tge simbols da pasch
enconuschas ti?

Co fan tes geniturs pasch?

Craps da pasch

- 1 Tschertga almain set craps. Ils craps duessan esser magari plats, bler pli gronds ch'in bau da Nossadunna e pli pitschens che la mieur da Brutus.
- 2 Colurescha mintga crap cun las colurs da la pasch. Las colurs da la pasch èn las colurs da l'artg: violet, blau, blau cler, verd, mellen, oransch e cotschen.
- 3 Cura ch'ils craps èn sitgs, pos ti metter tuts en in vaider da confitura ed al serrar cun in viertgel. In satget u ina tastgina va era.
- 4 Mintga giada che ti has charplina cun insatgi, pos ti regalar a quella persuna in crap per far pasch. Ti pos era far maletgs cun tes craps da pasch: metta si els en in rudè, fa in cor, fa in smiley, fa ina figura ensemen cun tia amia, etc.



udo peace
Мир



rahu



fred paz
rauhaa
uxolo

Frieden
paix